



Broj: 02-04-555/26

Trnovo, 30.03.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama u Općini Trnovo (broj: 02-04-74/23 od 11.01.2023. godine i 02-04-74-1/23 od 15.01.2024. godine), a na prijedlog Komisije za provođenje postupka javne nabavke broj: 02-04-555/26 od 26.03.2026. godine, u postupku javne nabavke usluga „Izrada elaborata za zaštitu izvorišta“, Općinski načelnik, po ovlaštenju Općinskog vijeća, donosi:

ODLUKU

o izboru najpovoljnijeg ponuđača za nabavku usluga

Član 1.

Prihvata se prijedlog Komisije za provođenje postupka javne nabavke, broj: 02-04-555/26 od 26.03.2026. godine, te se ugovor za javnu nabavku usluga „Izrada elaborata za zaštitu izvorišta“ dodjeljuje grupi ponuđača: *IBIS D.O.O. ZAVIDOVIĆI, I.L.K. GRADAŠČEVIĆA 16, ZAVIDOVIĆI I „BH BUŠENJE“ D.O.O. TUZLA, MITRA TRIFUNOVIĆA UČE BR. 9, TUZLA*, prema ponudi broj: 56-01-IB-26 od 17.03.2026. godine, za ponudenu cijenu u iznosu od 51.230,00 KM bez PDV-a, kao najpovoljnijem ponuđaču, nakon provedene e-aukcije.

Član 2.

Prijedlog ugovora o javnoj nabavci dostavit će se na potpis izabranom ponuđaču, i to predstavniku grupe ponuđača na adresu: H.K. Gradašćevića br. 16, Zavidovići.

Izabrani ponuđač je dužan da u roku od 7 (sedam) dana od dana prijema ove odluke dostavi nedostajuće dokaze o ispunjavanju uslova kvalificiranosti, ne starije od 3 (tri) mjeseca računajući od dana predaje ponude.

U slučaju da izabrani ponuđač ne dostavi tražene dokaze u ostavljenom roku, ugovorni organ će postupiti u skladu sa članom 72. stav (3) tačka b) Zakona o javnim nabavkama.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici Općine Trnovo (www.trnovo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Nakon prethodno izvršenog ispitivanja tržišta, postupak javne nabavke usluga „Izrada elaborata za zaštitu izvorišta“ pokrenut je Odlukom o pokretanju postupka javne nabavke broj: 02-04-555/26 od 20.02.2026. godine.

Postupak javne nabavke proveden je putem otvorenog postupka, u skladu sa Zakonom o javnim nabavkama. Procijenjena vrijednost javne nabavke, bez uračunatog PDV-a, iznosila je 51.282,00 KM.

Tenderska dokumentacija objavljena je na Portalu javnih nabavki dana 24.02.2026. godine. Obavještenje o nabavci broj: 886-1-2-10-3-13/26 objavljeno je na Portalu javnih nabavki istog dana, kao i u „Službenom glasniku BiH“, čime je osigurana potpuna transparentnost postupka i konkurencija među ponuđačima.

Komisija za provođenje postupka javne nabavke je, nakon provedenog postupka otvaranja i evaluacije ponuda, dostavila ugovornom organu Izvještaj o radu broj: 02-04-555/26 od 26.03.2026. godine, dana 27.03.2026. godine, sa preporukom za donošenje odluke o izboru najpovoljnijeg ponuđača.

Uvidom u dostavljeni izvještaj i prateću dokumentaciju, utvrđeno je da je Komisija blagovremeno i pravilno izvršila otvaranje ponuda, te pregled i ocjenu prispjelih ponuda, o čemu su sačinjeni odgovarajući zapisnici, u skladu sa važećim propisima. U postupku je utvrđeno sljedeće:

- ukupan broj pristiglih ponuda: 3 (tri),
- broj blagovremeno zaprimljenih ponuda: 3 (tri),
- broj neblagovremeno zaprimljenih ponuda: 0 (nula),
- sve zaprimljene ponude ocijenjene su kao formalno-pravno ispravne i prihvatljive.

Komisija je izvršila detaljnu analizu i ocjenu kvalificiranosti ponuđača, kao i ocjenu ponuda u skladu sa uslovima i kriterijima propisanim tenderskom dokumentacijom. Ocjena ponuda izvršena je na osnovu kriterija najniže cijene, kao jedinog kriterija za dodjelu ugovora.

U cilju postizanja veće konkurentnosti i ekonomičnosti postupka, provedena je e-aukcija dana 26.03.2026. godine, u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23). Nakon uspješno okončane e-aukcije, utvrđena je konačna rang lista ponuđača, kako slijedi:

Redni broj	PONUĐAČ	Rangiranje ponuda prema kriteriju za izbor ponude bez PDV-a
1.	GRUPA PONUĐAČA: IBIS D.O.O. ZAVIDOVIĆI, H.K. GRADAŠČEVIĆA 16, ZAVIDOVIĆI I „BH BUŠENJE“ D.O.O. TUZLA, MITRA TRIFUNOVIĆA UČE BR. 9, TUZLA	51.230,00
2.	GRUPA PONUĐAČA: IBIS-INŽENJERING D.O.O. I ZAVOD ZA VODOPRIVREDU D.D., OMLADINSKA BR. 28, 78000 BANJA LUKA	51.282,00
3.	GRAĐEVINSKI INSTITUT D.O.O. BANJA LUKA, ADA 24. BANJA LUKA,	51.282,00

Postupajući po dostavljenom izvještaju Komisije, rukovodilac ugovornog organa izvršio je uvid u cjelokupnu dokumentaciju postupka i utvrdio da u radu Komisije nije bilo nepravilnosti niti propusta koji bi mogli uticati na zakonitost postupka, te da je Komisija postupala u svemu u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći sve navedeno, a posebno činjenicu da je ponuda grupe ponuđača IBIS D.O.O. ZAVIDOVIĆI, H.K. GRADAŠČEVIĆA 16, ZAVIDOVIĆI I „BH BUŠENJE“ D.O.O. TUZLA, MITRA TRIFUNOVIĆA UČE BR. 9, TUZLA, nakon provedene e-aukcije rangirana kao najpovoljnija, donesena je odluka kao u dispozitivu.

POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema ove odluke.

Žalba se izjavljuje ugovornom organu u pisanoj formi, neposredno, putem pošte preporučenom pošiljkom ili elektronskim putem, u skladu sa važećim propisima. Žalba se podnosi u dovoljnom broju primjeraka, a najmanje (2) primjerka, kako bi mogla biti dostavljena izabranom ponuđaču i ostalim strankama u postupku.

Izradio:

Kontrolisao:

Dostavljeno:

1. Ponuđačima
2. a/a

Po ovlaštenju Općinskog vijeća
Predsjednik